



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Commentarii Exegetici In Apocalypsim Ioannis Apostoli**

**Viegas, Brás**

**Parisiis, 1615**

Cur Antichristus dicatur similis pardo, ac pedes vrsi, & os leonis habeat. Et bestia, quam vidi, similis erat pardo, & pedes eius sicut vrsi, & os eius sicut leonis. Sectio II.

**urn:nbn:de:hbz:466:1-39261**

Esai. 14. suo disponebat, vt refertur Esaiæ cap. 14. Dicebas in corde tuo: In caelum conscendam, super astra Dei exaltabo solium meum, ascendam super altitudinem nubium, similis ero altissimis. Quare meritò Antichristus hanc potissimum ob causam visus est ascendere.

Cur Antichristus dicatur similis pardo, ac pedes vrsi,  
& os leonis habeat.

Et bestia, quam vidi, similis erat pardo, & pedes eius sicut vrsi,  
& os eius sicut os leonis.

SECTIO II.

I. **H**Aud dubiè sub horum animalium symbolis multiplex, & varia Antichristi malitia accipienda est, in quem nimirum omnia omnino vitia debent confluere. Sciendum est autem pardum, qui masculus est in pantheris, maculosum, ac velocissimum esse, præcèpsque ad sanguinem animal: vrsus esse astutissimum, haberèque pedes fortissimos, & manus humanis similes: denique leonem omnibus animalibus, vel ipso rugitu esse terrificum. Quo fit vt in pardo maculoso & vario multiplex Antichristi malitia, ac dolus ad fallendos fideles, imò vniuersitas omnium vitiorum exprimat. Quam ob causam Apostolus 2. ad Theff. 2. cum per antonomasiam hominem peccati appellauit. *Nisi venerit discessus primus & reuelatus fuerit homo peccati, filius perditionis.* Quo loco Caietanus aduertit cum dicitur Antichristus, homo peccati, significari plenitudinem omnium peccatorum: Et Hugo Cardinalis obseruat appellari hominem peccati, id est, seruum peccati, eo locutionis genere, quo dicere cõsueuimus: hic homo est meus. Præterea velocissimus erit Antichristus præcèpsque ad fidelium sanguinem fundendū, & instar vrsi astutissimus, & maximè fraudulentus, similisque humanis gerens manus, quia initio se mitem, & humanum simulabit, sed paulò post instar vrsi ferocissimos vngues crudelitatis exeret: & instar leonis vniuersam Ecclesiam quasi rugitu perterrebit.

II. Omnem hanc Antichristi malitiam descriptam habes sub nomine Leuiatham, Iob. 41. *Quis reuelabit faciem indumenti eius? & medium oris eius quis intrabit? portas vultus eius quis aperiet? per gyrum dentium eius formido: corpus illius quasi scuta subtilis compactum squammis sese prementibus: vna vni coniungitur: & ne spiraculum quidem incedit per eas.* Quamquam enim ille locus communiter de Dæmone intelligatur sub nomine Leuiatham, seu Ceti: tamen non inconcinne ad Antichristum etiam referri potest. Igitur, *Quis reuelabit faciem indumenti eius?* hoc est, fraudem & malitiã sub specie sanctitatis tanquam sub vestimento occultatam? *Et medium oris eius quis intrabit?* id est, quis calliditatem verborum eius poterit intraspicere? *Portas vultus eius quis aperiet?* habebit enim, eius vultus, hoc est, externa demonstratio varias, & sibi inuicem occurrentes, multisque flexibus, & mæandris implicitas portas, propter astum, & fraudulentiam. Itaque quemadmodum qui in domum aliquam, quæ multas hinc inde fores habet, ingreditur, non potest deinde facillè egredi, ita qui vultum Antichristi, eiusque mores, & progressum contemplabitur, non poterit facillè secum statuere, vtrum eum sectari, an insectari debeat: atque adeo eius rebus, signisque ac prodigiis quasi labyrintho aliquo implicitū se sentiet. *Per gyrum dentium eius formido:* id est, in prædicatoribus eius, qui dentes illius appellantur, quòd eius nefariam doctrinam aliis comedent.

Multiplex  
Et varia An-  
tichristi ma-  
litia.

2. ad Theff.

2.3.

Caietan.

Hugo Card.  
Antichristus  
seruus pec-  
cati.

I I.

Iob 41. 4.

Vniuersa An-  
tichristi ma-  
litia descri-  
bitur.



medendam terant, erit coniunctus terror Principum, qui vi, & armis mortales ad parendum Antichristo compellent. *Corpus eius quasi sicut a fusilia compactum squā-* Totus erit concretus ex sceleribus.  
*mi:* quia totus erit ex sceleribus sibi inuicem coherentibus concretus. *se se inuicē prementibus,* quia singula vitia mutuas sibi præstāt operas, seque inuicem premūt, & roborant. *Et ne spiraculum quidem incedit per eas;* quia nullum permittet locum Ne minimā admittet in spiraculis nem diuinam.  
 Diuinis inspirationibus peruium. Cernis igitur eo, quod omnia vitia in Antichristum confluere debeant, optimo iure pardo, vrfō, leoni, cæterisque bestiis ferocissimis comparari.

De capitibus, cornibus, & diadematis Antichristi, & nominibus blasphemiarum.

*Habentem capita septem, & cornua decem, & super cornua eius decem diademata, & super capita eius nomina blasphemiarum.*

SECTIO III.

**B**estia illa, quæ Ioanni apparuit, & Antichristum, ut diximus, adumbravit, habebat capita septem, & cornua decem, & super cornua decem diademata, & in capitibus scripta nomina blasphemiarum. Pro cuius loci expositione sciendū est Danielis. cap. 7. ubi agitur de Antichristo, similem quandam ostensam fuisse visionem, ex cuius explanatione pendet hæc nostra. Igitur Daniel vidit quartam bestiam terribilem, atque mirabilem, & fortem nimis, habentem dentes ferreos magnos, & cornua decem: quæ bestia iuxta communem Doctorum sententiam, est Romanum imperium. Additque Daniel: *Considerabam cornua, & ecce cornu aliud paruulum ortum est de medio eorum, & tria de cornibus primis euulsa sunt à facie eius; & ecce oculi quasi oculi hominis erant in cornu isto, & os loquens ingentia.* Et paulò inferiùs Antiquus dierum visionem quartæ bestie exponens Danieli sic ait. *Bestia quarta regni quartum erit in terra, quod maius erit omnibus regnis, & deuorabit uniuersam terram, & concalcabit, & comminuet eam. Porro cornua decem ipsius regni decem Reges erunt, & alius consurget post eos: & ipse potentior erit prioribus, & tres Reges humiliabit.* Ne autem dubitari possit sermonem esse de Antichristo, subiunxit: *sermones contra excelsum loquetur, & sanctos altissimi conteres: & putabit, quod possit mutare tempora, & leges, & tradentur in manu eius usque ad tempus, & tempora, & dimidium temporis.* Accedit, quod eum locum de Antichristo communiter Patres accipiunt, veluti diuus Irenæus libr. 5. aduersus hæreses cap. 25. & 26. ubi locum hunc Ioannis cum illo Danielis coniungit, Hippolytus in orat. de consummatione mundi, Theodoretus in cōment. super Dan. Lactantius libr. 3. Diuinarum institut. c. 16. D. Augustin. lib. 20. de ciuit. Dei cap. 23. & D. Hieronym. in comment. supra Dan. *Dicamus, inquit, quod omnes scriptores Ecclesiastici tradiderunt in consummatione mundi, quoniam regnum destruendum est Romanorum, decem futuros Reges, qui orbem Romanum inter se diuidant: cum undecimum Regem paruulum surrecturum, qui tres Reges de illis decem superaturus sit, id est, Egypti, Africæ, & Æthiopiæ Reges, quibus interfectis etiam septem alij Reges victori colla submittent. Dicitur autem Rex ille habiturus oculos hominis, ne eum putemus iuxta quorundam opinionem Diabolum esse, sed vnum de hominibus. Et habebit etiam os loquens ingentia, quia erit homo peccati, filius perditionis: ita ut in templo Dei sedere audeat, faciens se quasi Deum.* Hæc Hieronymus.